



DEO OPTIMO, MAX.

UNI ET TRINO,

VIRGINI DEIPARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS,
manè discutienda, in Scholis Medicorum, die Jovis,
quartâ Aprilis, 1726.

M. NICOLAO LE TELLIER,
Doctore Medico, Præside.

An cuique Gangrana solius Chirurgia auxilium?

I.



ITA ab eodem, à quo dependet, spiritu fovetur: ab illo omnis motus actionis & vitæ facultas desluunt. Sanguinis particule purissimæ, dulcissimæ ac volatiles spirituum officinam ingrediuntur; his spiritibus perfusus sanguis appellat ad partes, præsertim vitali charactere imbutus, qui balsamum nativum auditur. Partes ineptæ nutritioni excernuntur, ut ceteræ à putredine tueantur: vita enim nihil nisi conservatio à putredine est, ad quam tamen vi intrinsecæ constitutionis admodum inclinat. Nulla pars corruptioni magis obnoxia est, quàm sanguis; id testantur inflammationes majores, & imprimis Gangrana, & hanc presso sæpius pede subsequens spha-

celus five mortificatio. Hæc imminens corruptio motu sanguinis tam progressivo five circulari, quam intestino five vitali præcavetur. Diversorum humorum in diversis partibus stasi, eximia corruptionum innititur differentia. Si fluxus liquidi nervosi vel arteriosi præpediatur, si nervorum funes tubulique valorum crispentur, rumpantur, contendantur, premantur, aliisque modis inepti reddantur, sanguis in minimis stagnat valculis, spiritus deprimitur, sal fluorem concipit & acorem infert, dolor & calor præter naturam producuntur, ab illo sale irregulari, lancinante, fibræ nervæ ac membranæ velluntur, spasmodicè contrahuntur, vasa capillaria coarctantur, & ab omni sanguinis refluxu impedito principia, solum mixtionis vinculo, à se invicem secedunt. Ex majori inflammatione major fit corruptio, succedit Gangræna in partibus membranosis & carnosis, quæ in glandulis est cancer, in ossibus caries. Idem evenit, si per astrigentia, emplastica, frigida repercutientia, stupefacientia intempestivè adhibita, valorum diameter diametro columnæ sanguinis minor factus fuerit, si per obstructa, ut in herniis suffocatis, canales stringantur, si interna acria simul externis applicatis permixta fuerint. Accidit idem derivatione tenuioris partis ex sanguine per sudores, urinam, salivam, diarrhæas, ichores, & coagulantia, imò sæpe sæpius eò tendunt Paralyfis, prohibita expiratio, æris temperies in toto peccans, & locum affectum alluens, lymphæ diu fluens circa loca tendinosa, ichor canceri fluxus dysentericus, hydropticus, humores Febris pestilens, variolosi, scorbutici. Grandiorem inflammationem subinde Gangræna atque sphacelus consequuntur. In priore pars mori incipit, tandemque ad innati caloris extinctionem, sed quamdiu cutis est duntaxat rubens aut subpurpureus color, tamdiu corruptio est incipiens atque talis, ut ad integritatem pars affecta redire possit; quamprimum autem ad nigredinem fibræ tendunt, sphacelus, Latini sideratio, præ foribus adest, corruptio putredinosa fit in illa parte, repentinò progressu in vicinas partes corporis vivi se se diffundens, dolore & pulsatione percutit; spiritus partes affectas non amplius ædificat, calor vitalis in iisdem planè disparet, & in frigus mutatur; color, lividus, imò nigrescens in ipsa parte læsa, in ejusdem ambitu pallidus, & à floridâ vivâ temperie alienus observatur; incisionem scalpello factam minimè percipit ager, neque etiam è vulnusculis scalpello inflictis sanguis profuit, sed ichor tantum crueus, apparens in vulnusculis nigro sanguine. Turgescunt ut plurimum vicina loca tumore pallido & frigido œdematoso, portio autem immediatè affecta, præcipiti gressu ruens in fœtidam manifestissimamque putredinem, non solum mollis, sed semilivida evadit, imò etiam omnino cadaverosum, olidissimum fœtorem putrilaginosum statim concipit; tandem hujus corruptionis progressus in partes ambientes celerissimus, omnia depascens in ossa usque, superiora petens, vigilias, deliria, syncopen, ructus, singultus, spasmos, dolores, sudorem frigidum, soporem accersens, mortem prænnunciat. Signa Gangrænæ variant pro causæ diversitate. * Si à frigore contracta est, dolor vehementer pungens in parte affectâ sentitur; rubra hæc primò, mox pallida, tandem nigra evadit: calor naturalis sensim extinguitur, & oritur horror, similis illi qui in quartanâ Febre percipitur. Si à causâ externâ calidâ, aut pororum occlusionè, rubedo in album, & deinde in nigrum mutatur, pulsatio & dolor cessant, sensus imminuitur, tandem pustulæ quædam apparent, ex quibus humor ichorosus profluit. Si ex alimenti defectu nec dolor, nec inflammatio, nec tumor adsunt, corpus frigit, & morbus plerumque vel pedes, vel brachia occupat. Si à veneno animali aut humore, dolore, febresque continuò affligunt, syncopes adsunt frequentes & deliria; quandoque pustula hic oritur, sub quâ nigra est macula, quæ deinde per partem integram dispergitur. Si ex scorbutico, plerumque semper à pollice initium sumit, maculisve, atque lineis subnigris exterius manifestatur in crustam siccam mox degenerantibus, sequitur partis stupor, ac tandem mortificatio ipsa, sæpe sine ullo fœtore; dolor aliquando nullus adest, aliquando intensissimus, in illis inprimis qui se ab irâ & tristitiâ non satis temperant.

* *Jenkinson.*

II.



UAMVIS Gangrænæ tanta sit vis ac tyrannis, ut nisi celerimè succurras, facilè affecta pars mortis habitum repræsentet, promptissimèque vita sensus & motus extinctionem contrahat. "Attramen * si nondum planè tenet, sed adhuc incipit, "curare non difficilimum est, utique in corpore juvenili. Nec etiam si musculi integri sunt, si nervi vel læsi non sunt, vel leviter affecti sunt, neque ullus magnus "articulus nudatus est, aut carnis in eo loco paululum est, ideoque non multum quod pu-

refeceret, fuit; confilieturque in uno loco vitium quod maximè in digito fieri potest. In ejusmodi casu primum est, si vires patinatur, sanguinem mittere, deinde quicquid aridum est, & intensio quidam, proximum quoque locum male habet usque ad sanum corpus concidere; igitur inter sanam vitiatamque partem incidenda scalpello caro, usque ad os est sic, ut neque contra ipsum articulum id fiat, & potius ex sana parte aliquid excidatur quam ex agra relinquatur; ubi verò ad os ventum est, reducenda ab eo sana caro, & circa os subsecanda est, ut eà quoque parte aliquid ossis nudetur: dein id ferrula præcidendum est, quàm proximè carni etiam inharerenti: ac tum frons ossis quam ferrula exasperavit levanda est, supràque inducenda cutis, quæ sub ejusmodi curatione laxa esse debet, ut quàm maximè os undique tegat, quo cutis inducta non fuerit, id linamentis erit contegendum, cæteraque sic facienda ut in vulneribus in quibus pus non moveri debet. Alii in carbunculis sphacelatis medullarum tangunt ferro candente, & quidem tam diu donec patiens adustionem sentiat, hac enim ratione ad suppurationem legitimam facilius disponuntur; in reliquo sphacelo scarificationem profundam in parte adhuc vivâ corruptæ vicinâ commendant. Post illas sectiones vel incisiones fugiendum ad remedium genera quæ putrefactioni resistunt, ut Gangrænâ occurratur, ac præsertim sphacelo, aut totius partis interitui. Ejusmodi sunt sales metallici & minerales ex cupro, præsertim ex ferro, mercurio, vitriolo: hi sales quasi balsami exterioris usum habent, & calore, ac tenuitate suâ crassos humores, qui nativum calorem suffocant, incidunt, tennesque digerunt, & putredini similitudine obstrunt. Tuetur plagas illas à Gangrænâ & mortificatione aqua vulneraria spiritui salis dulcificato, vel spiritui salis armoniaci admista. Pro affectûs magnitudine pars fovenda spiritu vini camphorato, ut sanguis crassior, & qui alioqui ibidem concreveret, secedat. Quin etiam Butyrum Antimonii, Egyptiacum, Unguentum Apostolorum, Balsama Arcei, Fioravanti, Styrcis, quod putrefactionem prohibeat ac resolvant, pro loci & temporis ratione admodum conveniunt. Nec desperandum illicò, si consueque rebellis Gangrænâ pervenerit, ut sine certo vitæ periculo, nec membrum putrescens relinquit, neque in sincera parte sectio fieri possit. Brachium prope articulum superiorem, cujus musculo Deltoidi Gangrænâ labem intulerat, opportune resectum fuisse, ac residuas ejusdem musculi carnes postmodum optime sanatas, docta prudensque experientia testatur. Verticilli sive torcularis usus in amputatione sâderatæ partis singulari caurelâ adhibendus. Curandum imprimis, ne totum sanæ partis ambitum aequali undique impulsu stringendo, serpenri Gangrænâ calcare addas. Pulvires duriores solis arteriis, molliora linamenta partibus aliis circumjacentibus appone; atque ut vinculo quàm maxima pressus intervallo solerti manu fiant, imprimis esto sollicitus.

* Celsus.

III.



ANGRÆNA à causis internis tantò est curata difficilior, quantò à causâ externâ in perfacili curatione, manuum & medicamentorum exteriorum opere versatur Gangrænæ virus, idem sonans ac corruptio, in massâ sanguineâ jam suscitatum, vel à contagio extrâ suscepto, vel à miasmate quodam intus in nobis genito, inter venena supremum locum occupat. A Febri malignâ, Variolis, Apoplexiâ, Paralyti, ipsâque Peste aliquando originem ducit, & sæpè in plures grassatur. Quasdam Paralytis, Lethargi & Hydropis species à malignitate sphacellum referente natas esse non ignorare maximè interest. Venenum istud aut solvendo, aut coagulando pro diversâ sui indole varias corruptiones variè denominatas inducit, functionesque subito aut lateenter ita destruit, ut vitæ periculum adducat. Illa quæ sanguinem congelant, ejusque mixtionem destruendo corrumpunt, periculosiora longè sunt, quàm quæ sanguinem fundendo ejus ferum nimis præcipitant, & spiritus sensim disperdunt. In genere aqueæ, igneæ & sulphureæ partes dissolutionem corporum suum promovere. In morbis chronicis aqueæ salibus præcipue alkalinis evolutis, instructæ mixta quævis vinculo salino constantia penetrant; & an soluti compagem dominium exercendo partes salinæ nimis evectæ fluorem patiantur. Hinc nova partium salinarum & aquearum connubia, à quibus Scorbutus, Hydrops, Nephritis, Lepa, morbi plerique chronici oriuntur, & demum Gangrænâ & Sphacelo exponitur ager, nisi tempestivè morborum affectiones ex naturæ legibus & mechanicis perspicuè cognoscantur & curentur. In morbis verò contagiosis acutis partes sulphureæ in recessu addidit alias quævis sulphureas & salas celeriori cursu adoriuntur. Quò sunt subciliores

& evolutæ, celeriores ipsarum effectus; effluviis enim earundem malignis per venas arterias & nervos dispersis, spiritus animales inhiuntur, & contrarietate ac pugnantia quâdam suffocantur, unde vita hominis extinguitur. Hæc eadem venena tenuitate celerissime expanduntur, quæadmodum ex viperarum, aliarumque venenatarum belluarum moria licet animadvertere, qui Gangræne similes producit tragœdias. Præceptum illud venenum deleterium in propinquo certam denunciat perniciem, primum massæ sanguineæ congelationem, mox spirituum fixationem putredinis scopum; spiritus à veneni contagio profligati, & aliunde non resecti dissipantur. Sanguis in vasis grumescat ut minus promptè in iis circuitum absolvat. Brevi à fluxu sanguinis per capillaria denegato, ex magno motu sanguinis ex corde & magnâ vasorum cor versùs resistentiâ summo incendio æger iactus, magis quàm extris extorretur; lingua arida, crassa & aspera, subnigraque videtur. Spiritus difficillimè trahitur; pulsus modo celer, modò tardus, cum ventris distensione; sanguis in cute defixus & congestus lividam per totum corpus suffusionem inducit. Modò parcius dispersus cruor stigmata tantum purpurea efficit, quæ aliquando in pustulas non abeunt, aliquando citius tardiùsve in pustulas elevantur ac suppurantur, & natibus ut plurimum signa Gangræne imprimunt. Quamprimum ad nigredinem cutis vergit. Aut spontè balsamicis, aut arte à vicinâ separanda est, ut servetur membrum affectum: tunc spiritus vitæ exquisitis medicamentis aptis fovendus, ne sanguis vasa pneumonica minora difficulter trajiciens, phlegmonem cum tussi & spuro cruento, inò lateris dolorem acutum pariat. Hæc inflammationis species ab imperitis Peripneumonia, vel Pleuritis credita, nisi prædiis alexipharmacis tollatur, nisi fermentatio putredinosa sistatur, in Gangrænam facillè transit.

I V.



Uivis Gangræne Chirurgiam temerario ausu solus artifex applicat, secandi cupidus. Longe aliter judicat Medicus, naturæ mysteria doctus & artis fuz peitus. Hippocrates sapienter: * Conare, inquit, ut Physicus evadas; tota enim medendi scientia, sine rerum naturalium investigatione, trunca & debilis est, nec ullius morbi explicationi, vel prudenti directioni curationis apta existit. Eadem naturæ & artis Medicæ sunt principia; uti artifex, qui materię naturam, & motus leges ac rationes exactè callet, pro lubitu suo mutare, destruere scit corpora, pari modo Medicus iisdem principiis instructus, immutando, resolvendo, & alterando prodigia præstare poterit. Quam faustum Hippocratis seculum fuerit! Artis Medicæ cultores norint; in quo Chirurgia, hujus scientiæ antiquissima pars ab ipsis Medicis, & ipsorum manibus tractabatur. Cum hæc indignè agitur, quando ad nudam empiriam, aut ad sola instrumenta relegatur. Hæc, & Ars Medica unius excellentis systematis partes sunt, quæ pulchrè inter se conspirant, adò ut neutra sine alterâ subsistere possit. Consilio, manuque. Sed judicium difficile, experientia fallax; nisi morbi affectus ex naturæ legibus mechanicè perspicuè cognoscantur & curentur. In curatione Gangræne, intus susceptæ, ut rectè procedatur, probè considerandum, quomodo se habeant humores, & partes solidæ ad varias actiones; cui corruptionis speciei quilibet humores expositi sint; quando feorism, & quando cum aliis juncti in corruptelam abeunt, inò quanam illius corruptionis indoles. Talem corruptionem noscendi & curandi modus ut à Chirurgis discatur, nemo postulat, neque ut sciant methodum & remedia, quæ nimiam humorum stagnationem, & importunum affluxum dissipent, nimiam sensationem mitigent, nimiam nervorum irritationem demulceant, ut energiam vitalem excitent. Morbus debellari nequit, nisi ejus causa tollatur, unicuique affectui propria natura est. Quantà arte opus est ad inveniendâ convenientia remedia, quibus læsæ particulæ restitui possint? Quis nullo habito respectu ad causas procatharticas, sphacelum, *verbi gratiâ*, ex paralyti temerario ausu externis remediis curare aggreditur? Quis curationis hujus felicem eventum sibi promittit, nisi diversarum specierum paralyseos, & illius Gangræne causas antecedentes apprime calleat, ut malum in fonte præscindatur? Non idem medicamentum interius & exterius omnibus Gangrænis subvenit: Si, *verbi gratiâ*, spirituum animalium influxus à spasmo, & convulsione pervertitur, anodynis cicuratur, & contrà qui à narcoticis prostrati, volatilibus erigendi sunt. Cùm à frigore intenso Gangræna generetur, Pharmaca calidiora, & particulis activis prædita valde congruunt. Hæc autem in Gangrænis illorum, quorum sanguini calido, multum salis & sulphuris digesti, ferique perexiguum est, nimia dosi propinata maxime efficiunt. In effecto corpore senili,

5
vel mali habitus, vel libidinibus consumpto, membra marcescunt; & à spiritibus non satis iradiantibus, partes ad necrosim tendunt. Hujusmodi tum internis, cum externis roborandi sunt. Robusti, sanguinei, plethorici, qui Gangræna, & sideratione malignâ laborant, missione sanguinis, cardiacis, & catharticis juvantur, externis non neglectis. Scorbuto affectis, antiscorbutica intus & extus simul exhibeantur. In Gangræna à morsu canis rabiosi, ferarum, aut aliorum animalium, aut serpentium, item ab Arsenico, Aconiti, & Napelli, & aliorum venenorum haustu, alexiteria singulis convenientia præcienda sunt. Oleum scorpionis internè exhibitum, vel etiam ictibus animalis impositum subvenit, pari ferè modo quo membrum frigore torpens nive sanatur. Verùm si Gangræna ex illis toxicis jam intus serpit, exteriora nihil aut parùm proderint, nisi Chirurgiæ arte prophylactica succurratur; tanta est Medicinæ & Artis Chirurgicæ mutua conspiratio.

* *Libr. de Sterilit. cap. 18. §. I.*

V.



ARIA enchirisi Medicus ex infimis summa efficit, ex veneno medicamentum; ex amaro, acido, & corrosivo dulce. Ipsius arte omnis venenositas infringitur, extinguitur, & expellitur. Sic Gangræna exterius suscepta tollitur oleo antimoniî dulcificato, nec non cancer arsenico cicurato. Ad hæc pharmaca ritè paranda insigni industriâ & arte multiplici opus est. Medicamina Sapientibus priscis Deorum manus appellata fuisse, quia cautissimè adhibenda; in omni morbo ad naturam, & constitutionem ægri, ad temperiem & motum spirituum animalium, & sanguinis præcipuè respiciendum. Medicamentorum proprietas, agendi modus, natura indicantium, & contraindicatorum, omnium circumstantiarum ratio, primarum & ultimarum viarum constitutio, mutationes temporum quæ pariunt morbos, nota & explorata habenda sunt; causæ & horæ crisiûm prævidendæ. Maximè differunt vulnera recentia casim, punctim, vel alio modo inflicta, à vetustis quæ internè ceperunt originem. Externa olcorum, emplastrorum, unguentorum, & balsamorum applicatio supervacanea, nisi foras internus obturetur, unde humores ad exteriora fluunt: quo obturato, cessabit affluxus, & malum; vel solâ dictâ facillè curari poterit. Sed Gangræne intus susceptæ causas & noxam eliminare hoc opus, hic labor. Hæc secretorii, & excretorii naturæ motus suscitandi sunt; Medicus illius Minister hosce motus, quovis modo imitari, & omni prudentiâ adjuvare studeat. Huic scopo inserviunt, quæ à salis & sulphuris prospiciâ oriuntur, ritè depurata, & ad statum volatilem redacta, quæ auræ vitali aptè respondeant. Species singulas Gangræne prævidere, in quibus hæc vel illa salia ægro salutem asserre, nec ipsi nocere poterunt; serum salum, acre corrosivum malè moratum, ad indolem benignam, suavem & mitem reducere. Verbo, nihil intactum relinquere, quo infirmus ad valetudinem reducat; hæc omnia sine Physicis institutis, ac documentis percipi nequeunt. Itaque si, *verbi gratiâ*, ex nimia inflammatione, vel ob æstus immodicos, vel ob nimia frigora, vel quia corpus senile, vel mali habitus est, Gangræna aut sideratio occupat, si vitium intus sit in humoribus, à solo scalpello, solisve remediis externis nulla salus speranda. Antequam incidat Chirurgus, requisita inter morbum & medicamentum proportio ponderanda. Artem quandam esse sciat, benè utendi principiis Physico-mechanicis, ad sanitatem restituendam. Sciat sese Physicis, Mathematicis, Mechanicis, & Chymicis omnino destitutum esse scientiis. Lex jure merito Chirurgos vetat praxim medicam. Proinde ex morborum curatione nullas possunt observationes genuinas ac veras elicere; eam tota Chirurgia consistat tantum in manuum operatione, scilicet continui divisione, divisi unione, extractione alieni, & remedium exteriorum applicatione. Non satis est bonæ disciplinæ spernaces venas secare, unguenta, cataplasmata, emplastra admovere, si eorum vires ignôrent. * Cavendum ne phlegmonem loco edematis, Gangrænam pro simplici inflammatione, luis veneræ ulcus pro scorbuto, virulentum pro sordido, ac putri suscipiant, multorum membrorum actiones lædant, plures reddant insanabiles, miris modis & impune discrucient, mutilent, & enecent. Consilium igitur sapientes Medici expectant; Chirurgia medica suo juri restitatur. Ubiquè meminerint Chirurgorum officium esse, ut in

ejusmodi læsionibus, quarum salutaris cura remediis potius, quàm instrumentis impetranda, Medici consilium tempestivè exquirant.

* *Junkerus*;

Non ergo, cuique Gangrana solius Chirurgiæ auxilium.

Domini Doctores disputaturi.

M. Petrus Maloet, Regis Consiliarius, nec-non Domus Regiæ Invalidorum Ducum & militum Medicus ordinarius, & à Regiâ Scientiarum Academiâ,

M. Antonius Jacques.

M. Joannes Boudin, Antiquus Facultatis Decanus, Regi à sanctioribus Consiliis, Delphini & Delphine, dum viverent, Medicus Primarius, & Medicus Regis perpetuò ordinarius, & Regiæ Medicus Primarius.

M. Ludovicus-Simon Emmerez.

M. Claudius de la Vigne de Frecheville, Chirurgiæ Professor.

M. Guido-Erasmus Emmerez, Antiquus Facultatis Decanus.

M. Guillelmus de Magny, Chirurgiæ Gallicæ Professor designatus.

M. Joannes-Damianus Chevaller, rei herbariæ Professor.

M. Franciscus Afforty, Antiquus Facultatis Decanus.

Proponebat, Parisiis, BERNARDUS DE JUSSIEU;
Lugdunæus, Baccalaureus Medicus, in Horto Regio Botanices
Prodemonstrator, & à Regiâ Scientiarum Academiâ,
A. R. S. H. 1726. à sextâ ad meridiem.